

«Far politica seriosa a bòn da la populaziun»

Jon Domenic Parolini, president PBD Grischun

Na amo ün mez on es Jon Domenic Parolini president dal Parti burgais-democratic PBD dal Grischun. Da nouv appertegna il deputà e president cumünal da Scuol eir a la direziun dal PBD svizzer. Che böts e visiusn ha el?

ANR: Il Parti burgais-democratic PBD sta davant ün on decisiv na be in Svizra, mabain eir i'l Grischun. Il böt da la PBD Svizra es d'augmentar ils posts i'l cussagl nazional. Es qual realistic?

Jon Domenic Parolini: Il PBD Svizra s'ha miss sco böt da redublar ils sezis il cussagl nazional da 5 sün 10. In vista ad üna buna acceptanza dal PBD in divers chantuns güdicheschan ils respunsabels dal parti svizzer quist böt sco realistic. Il PBD ha nempie da duos ons davo sia fundaziun fingià sezziun in 14 chantuns e duos ulteriuras sezziun chantunales vegnan fundadas bainbod. In chantuns chi'd ha üna dünzaina o amo daplüs sezis i'l cussagl nazional esa sainz'oter pussibel eir per ün parti giuven sco il PBD da ragiundscher ün, duos o trais sezis. Perquai es quist böt da rivar sün 10 sezis i'l cussagl nazional realistic.

ANR: La PBD grischuna ha da defender duos posts i'l cussagl nazional. Eir qual üna gronda sfida per el?

Parolini: In Grischun esa difficil da mantgnair duos da tschinch sezis i'l cussagl nazional – quai gnarà üna sfida fich gronda.

ANR: Da nouv appertegna El eir a la direziun da la PBD Svizra. Che sün là Sias incumbensas?

Parolini: La direziun dal parti svizzer es il gremi strategic superiur dal parti. Ils presidents dals trais partits chantunals da Berna, Glaruna e Grischun, sco fundatuors dal parti svizzer, fan part da la vizepresidenza dal president e da la questgremi. La direziun maina e surveglia il secretariat dal parti e prepara ils affars per la supranza ingio chi fan part tuot ils presidents dals partits chantunals. La direziun prepara eir ils affars da la radunanza da delegiats.

ANR: E che visiusn ha El cun seis partì?

Parolini: Il PBD grischuna dess as consolidar sco parti burgais chi fa politica per la chosa e na üna politica d'opposiziun tuot tenor co chi convain güsta per guadagnar la simpatia da las electuras ed ils electuors. Il PBD vuol esser ün partenari fidà chi surpiglia respunsabilità e s'ingascha pels bsögn da la populaziun grischuna e da l'economia. El s'ingascha per cha las differentas regiuns dal Grischun restan eir

in avegnir spazzis attractivs per abitar, lavurar e far vacanzas. Lapro appertegnan bunas cundiziuns da basa per l'economia cumprais il servezzan public. Per part faja eir dabsögn da promozion da l'economia directa per cha alch possa insomma nascher o as sviluppar in regiuns da muntogna.

ANR: Per las tschernas dal cussagl nazional ha la PBD grischuna cun Hansjörg Hassler ün candidat cuntschaint e popular. Il böt es sgür da mantgnair il segund post i'l cussagl nazional. Noms nu sun per intant amo cuntschaints?

Parolini: Natüralmaing cha quai es ün dals böts. Ils partits circuitals han amo temp da far propostas. La composiziun da la glista dal PBD decida la radunanza da delegiats als 18 avrigl.

ANR: Eir na il nom da J. D. Parolini?

Parolini: Eu d'eira avant quatter ons sülla glista insemel cun Gadient, Hassler, Janom Steiner e Kollegger. Id es pussibel cha singuls da quists noms stan darcheu in discussiun.

ANR: Cun cussegliera federala Eveline Widmer-Schlumpf ha la PBD üna ferma persuna in sia rischla. Giovàrà eir ella üna rolla importanta na les eleziuns nazionalas impustüt i'l Grischun?

Parolini: Eveline Widmer-Schlumpf fa la megldra propaganda pel PBD in prüma lingia tras sia lavur ourdvard buna sco ministra da finanzas. Dafatta seis adversaris politics ston dar pro ch'ella es fich competenta. Eveline Widmer-Schlumpf, quai es sgüra uschè, eir schi nu's vezzarà dal PBD placats cun sü quel slogan!

ANR: Vala quai forza eir per cusgliera governativa Barbara Janom-Steiner e cusglier governativ Hansjörg Trachsel, ils quals sun tuots duos gnüts reeletts illa regenza grischuna?

Parolini: Eu nu sa amo scha nosa cusgliera governativa e nos cusglier guvernativ dessan giovar üna rolla per las eleziuns nazionalas. Els as profiletschan in prüma lingia cun lur buna lavur illa regenza a bòn dal chantun Grischun.

ANR: Sch'El vess da dir hoz co cha la composiziun dals partits guardarà ora pro'ls tschinch posts grischuns i'l cussagl nazional davo las eleziuns in october, co guardess quella ora?

Parolini: Il PBD, PCD, PLD, PS fan minchün ün sez ed il tschinchavel sez es amo intschert. Forsa riva'l pro'l PPS e fors per ün dals oters partits burgais.

Intervista: Gion Nutegn Stgier

Radunanza d'orientaziun pel projet BES

Scuol In lündeschdi, ils 7 favrer, a las 20.15, ha lö üna radunanza d'orientaziun sur dal projet dal Bogn Engiadina Scuol (BES). Cul projet BES esa previs da modernisar il Bogn Engiadina Scuol e da fabricar üna nova sauna tenor ils standarts dad hozind. Fingià in november d'eira il projet gnü preschantà üna prüma jada ed uossa vuol il Cussagl cumünal preschantar las differentas etappas da fabrica ed üna calculaziun da cuosts detagliada. Jon Domenic Parolini, capo cumünal da Scuol, discorra da cuosts maximals da 6,5 milliuns francs e da duos fin trais etappas da fabrica. La prümetappa dess gnir realisada fingià quista prümaavaira per 2,6 fin trais milliuns francs. In occasiun da la ra-

adunanza d'orientaziun vuol Parolini eir preschantar las dumondas da votumaziun. «La populaziun da Scuol starà decider sur dal credit d'investiziun e scha üna part dal credit dess gnir transmüda in chapital d'aczias», declera Parolini sün dumonda. La votumaziun correspondentia varà lö als 27 favrer. In üna segonda fasa esa tenor Parolini eir pussibel da drivir l'acziunariat per cha ulteriuras persunas e cumüns as possan partecipar a la Bogn Engiadina Scuol SA. Implü vuol il capo cumünal eir orientar sur da differentas fabricas chi vegnan realisadas durant quist on e chi impedischan per part il trafic tras cumüns. La radunanza d'orientaziun ha lö illa sala cumünala da la chasa da scuola a Scuol. (nba)



Dürant la «conferenza d'avegnir» sun gnüdas insemel üna prüna ideas co chi's pudess amegldrar l'avegnir da Guarda.

foto: shutterstock

Co inavant cun Guarda?

Giasts ed indigens lavuran per l'avegnir

In venderdi e sonda passada s'han inscuntrats indigens e possessuors da seguondas abitaziuns da Guarda ad üna conferenza d'avegnir. Il resultat sun statts numerus ideas chi sun in seguit gnüdas concretisadas in gruppas da lavur.

NICOLÒ BASS

Sco cha Maria Morell, presidenta cumünala da Guarda ha declerà, han tut part üna tschinquantina da persunas a quista conferenza. Gnüda moderada es quella dal perit Stefan Forster, da l'Institut da turissem e svilup persistent a Wergenstein. Il venderdi saira es stat suot il motto da tscherchar ideas e visiusn per tgnair attractiv il cumün da Guarda. «In quist'occasun sun gnüdas ramassadas bieras ideas per part eir main realisticas», quinta la presidenta cumünala.

Our da tuot quistas ideas ramassadas s'han lura fuormadas quatter

gruppas da lavur chi han concretisà lur visiusn durant la sonda. «Ouravant tuot vaina gnü üna fich buna collavuraziun tanter ils indigens e'ls possessuors da seguondas abitaziuns», ha constatà Maria Morell. Insomma han tenor ella ils possessuors d'abitaziuns da vacanzas gnü bunas ideas e s'han suottamiss plainamaing als bsögn e dovoirs dal cumün da Guarda cun tuot seis status da chüra. «Perchè han quels laschè sbatter a nus uschè lösch ulets», s'ha ella dumondada durant la conferenza, sainza survgnir üna risposta concreta. Plü concretas sun in mincha cas gnüdas las gruppas da lavur ed han preschantà a la fin da la conferenza ils prüms böts per l'avegnir. Üna gruppa as dedichescha in avegnir a la promozion d'energia regenerabla. Ün'otra gruppa ha tut per mans il tema d'üna buna collavuraziun tanter agricultura e turissem. «Quia vaja impustüt per la promozion da prodots indigens e regionalis e per spordscher excursiuns per giasts in paularias e sün alp», ha quintà Morell.

La terza gruppa ha tut sü las finamiras da la Pro Guarda e vuol tenor Mo-

rell tscherchar pussibilitats per realisar ün lö d'inscunter e da cultura a Guarda. Sco cha la presidenta cumünala ha declerà, es la Pro Guarda activa da bliers ons innan. Quista fundaziun vai-va cumprà differentas chasas in cumün e pussibilità a famiglias da gnir a star a Guarda. «Tanter oter vaiva la fundaziun Pro Guarda eir pussibilità la realisaziun da la butia in cumün», ha ella quintà da las activitats. «Forsa as chatta la colliazion tanter la fundaziun e la nouva gruppa da lavur per realisar insacura ün local d'inscunter.» E fors as pudessa tenor ella dafatta realisar üna ustarietta cun ün lö d'infuormaziun e per preschantar prodots indigens. «Tuot las ideas ed alternativis sun amo avertas», es ella persvasa e sperescha cha quista gruppa da lavur chatta üna buna soluziun. La quarta gruppa da lavur s'ha dedichada al tema trafic in cumün. «Adonta al parkèg al principi dal cumün, regna minchegat grond trafic tras cumün», ha quintà Morell. E quista gruppa da lavur vuol tscherchar soluziuns in quista direziun.

Dürant la conferenza d'avegnir es eir gnü deponüt il giavusch dals possessuors da seguondas abitaziuns da gnir infuormà regularmaing. «Perquai vulaina organisar regularmaing radunanzas d'orientaziun ed infuormar sur da temas actuals», ha declerà Morell. Üna prüma radunanza d'infuormaziun ha lö als 2 avrigl. «Ed in quist'occasun vöglan las gruppas da lavur preschantar ils prüms resultats», ha conclüts Maria Morell.

Lotto a favur dal runal d'uffants

Ardez Il runal da skis per uffants ad Ardez es in funcziun minch'inviern darcheu, e quai daspö passà 30 ons. E bod uschè veglia es eir la tradiziun d'üna sairada da lotto in favrer. Il rechav da quella va plainamaing a favur da la gestiun e'l mantegnimaing dal runal per uffants, chi'd es in mans d'üna pitschna società.

La sairada da lotto da quist on ha lö in sonda, ils 5 favrer, a l'Hotel Alvetern ad Ardez. Cartas pon gnir cumpradas a partir da las 20.00, ed a las 20.15 d'vainta lura seri, segund al motto da quist on: «Guadogna cun duos francs ün premi da prüm rang!». Il premi principal es nempie ün iPad 3G dad Apple. Tuot es amiaevalmaing invidà da tout part a la sairada da compagnia e divertimaing. (protr.)

Ils Veterans Motta Naluns pro'ls Jauers

Engiadina Bassa La stagiun d'inviern 2011 ha cumanzà pels Veterans Motta Naluns sco previs i'l plan d'activitats cun duos lecziuns da «Spinning» i'l center da fitness dal Bogn Engiadina Scuol. Ma l'evenimaint principal per cumanzar la stagiun da skis es stat il di da skis pro noss amis da la Val Müstair sü Minschuns, il magnific territori per skiunzs. Quai es stat per tuots (schi s'excluda ils Jauers sves) üna vaira surpraisa. Ingün dals Veterans Motta Naluns nu's vess par-sögnà da chattar sü Minschuns ün simil bel territori per gioadir nos sport predilet.

Apaina rivats sü sur la tea da l'Alp da Munt, pro'l restaurant, vaina admirà la bella vista in ün circül gigant intornu nus da löntsch davent il majestuos Ortler, chi dominescha tuot la pizza intorn sai. Plü damaniv lura il Piz Dora sur l'Alp Sadra be attach cul famus Piz Daint, üna da las bellas gitas d'inviern sü vers l'Engiadin'Ota. Lura il Piz Vallatscha be davant no, vidvart la Clemgia il Piz Starlex e per finir l'impossant Piz Terza ot sur il cumün da Müstair. Ingün da nus, chi plü bod eschan passats bieras jadas cullas pels aint dal Plan dals Bøvs e sur la Fontana da S-charl nu's avess imaginà da chattar uossa qua ün simil bel cunteng da skis cun pistas preparadas minuziusa-

maing e cun ün püschel inter da differentas variantas.

In tschinch gruppas autonomas, minchüna cun ün manader, ans vaina sparpagliats per tuot il cunteng intorn. Nossa gruppa ha cumanzà da bell'e da prüma culla muntada fin süsüm il Mot Minschuns, sün 2519 m.s.m. Davo üna bella skiada ans vaina ardüts danouvaing cun ün runal fin chafuol aint per la Vallatscha. Ingün da noss partecipants in gruppa nun han pudü inclger cha nus ans rechattain in quel lö fich dastrusch al cunfin tanter ils cumüns da Tschier e Scuol. Uschè vast as stenda il possess vaschinal da Scuol. Quel cunfin passa nempie sur il Piz Vallatscha via, our dal spi vers daman, passa la Fontana da S-charl, va davo il Mot Radon oura, traversa lura la Clemgia e cuntinua fin sülla Fuorcla Starlex.

Il giantar es stat excellent e'ls usters cun seis persunal nu sun be stats fich serviziable e da buna glüna, ma eir ourdvard spendabels. No tuots eschan stats cuntaints, cha la supranza ha müdà il plan d'activitats chi vaiva previs da passantar quist di da skis a Schöneben our'il Reschen. Uschè nu vaina be passantà ün bel di da compagnia in Val Müstair, ma vain evidaintamaing eir fat ün plaschar a noss amis Jauers. Constant Gritti